

[www.BibleForChildren.org](http://www.BibleForChildren.org)


# Mateo 8



Tsëpita kima junaqtanam casakï fiesta karqan Galileachö këkaq Caná markachö. Tsë fiestachömi këkarqan Jesúspa mamäninpis. Tsëmanmi Jesústapis discipulunkunatawan invitayarqan.



Fiesta manaraq ushaptinnam vïnu ushakarqan. Tsëmi Jesústa mamänin kënö nirqan: <<Vinunkunam ushakärishqa>>. Jesúspa mamannam sirwiqkunata kënö nirqan: <<Jesús niyäshunqëkita llapanta rurayë>>.



Sirwikuqkunatam Jesús kënö nirqan: <<Tsë  
kuntukunaman yakuta junta winayë>>.  
Tsënam yakuta winayarqan juntashqanyaq.



Juntaratsiyaptinnam Jesús nirqan:  
<<Ichikllata chaqarir mayor kamachiku  
llaminanpaq apayë>>. Tsënö niptinnam  
Jesús nishqannölla chaqarir apayarqan.



Kamachiku llamirirnam mëpita apayashqanta mana  
musyarpis alli vïnu kashqanta mëkurirqan.  
Yanapakuqkunallam mëpita  
kashqantapis musyayarqan.



Llamirirnam casakuq jövinta qayarir nirqan: <<Wakin nunakunaqa fiesta qallananllachömi allin kaq vïnuta qarakuyan. Alli upuriyaptinran común kaqtana qarayan. Qamqa fiesta ushaptinraqtaq allin kaq vïnuta qarëkätsinki>>.



Tsënömi Galileachö këkaq Caná  
markachö Jesús rurarqan punta kaq  
milagruta. Puëdiq kashqanta  
rikarmi discipulunkuna  
pëman creyikuyarqan.






Tsëpitanam Pedrupa wayinman ëwar  
Jesús tarirqan Pedrupa suegran  
fiebriwan lástima qeshyëkaqta.



Tsënam Jesúsqa qeshyaqpa makinta yatëkurqan,  
y tsë höram fiebripita kachakärirqan.  
Tsënam sharkur pëkunata sirwirqan.




Patsa tutapëkaptinnam llapan qeshyaqkunata y  
supëkuna jipatsishqan nunakunatapis Jesúsman  
apayarqan. Tsë  
markachö llapan  
nunakunam Jesús  
këkashqan wayi  
punkuman  
ëllukäyarqan.



Tsëchömi tukiläya qeshyawan qeshyaqkunata Jesús kachakätsirqan. Tsënöllum atskaq nunakunapita supëkunatapis qarqurqan. Pi kanqanta supëkuna musyayaptinmi Jesús piñaparqan mana parlakuyänanpaq.



Puëdiq këninwan llapan qeshyaqkunata  
kachakätsiptinmi llapan nunakuna Jesústa yatëta  
munayarqan.



Teyta Diospa willakininta Jesús willapäkikaptinmi purita mana puëdiq nunata wantushqa chuskuq nunakuna chätsiyarqan.



Atsqaq nunakuna kichkiyaptinmi  
punkupa y katsita pu diyarqantsu.  
Ts mi wayi jananman lloqaratsir  
wayi qataraqta kicharir  
kirmantawan Jes spa  
n panman  
ur tsiyarqan.



Tsë nunakuna pëman markäkuyashqanta musyarmi  
qeshyëkaq nunata Jesús  
kënö nirqan: <<Llapan  
jutsëkipita  
perdonashqanam  
kanki>>. <<¡Sharki!  
Kirmëkita aparkur  
wayikiman ewki>>.





Tsëpitanam barcuman Jesús Iloqaptin  
discipulunkunapis qepanta  
Iloqayarqan. Qochata  
tsimpëkäyaptinnam Jesús  
punukärirqan. Tsëyaqmi  
alläpa vientuwan yaku  
laqchiqsar barcuta  
hundikätsinanpaqna  
këkarqan.



Jesúsnam nirqan: <<Ichiklla markäkiyuq nunakuna,  
¿imanirtaq mantsakashqa kəkäyanki?>> Tsënö nirmi  
sharkur vientuta y yakuta piñaparqan. Piñapaptinmi  
vientupis yakupis pärarirqan. Tsëta rikarmi  
discipulunkuna mantsakashqa  
niyarqan: <<¡Pitaq kë nunaqa  
yakupis vientupis  
tsënö cäsunanpaqqa!>>



Nunakunata alläpa kuyarmi japallan  
Tsurinta Teyta Dios kachamurqan.  
Tsëmi pipis pëman markäkuq kaqqa  
condenashqatsu kanqa, sinöqa  
wiñë kawëtam taringa.



Romanos 3:23 Llapan nunakunam jutsayuq kar Teyta Diospa nöpanman chëta puëdiyantsu.

Romanos 6:23 Jutsa rurëqa wanïmanmi apamantsik. Señornintsik Jesucristo noqantsik rëkur wanushqa kaptinmi Teyta Dios alli këninwan salvamantsik nöpanchö wiñëpa kawanantsikpaq.

Hebreos 9:27 Tsënöllum llapan nunakunapis juk kutilla wanuyan y tsëpitaqa juzgashqanam kayanqa.

Efesios 2:8,9 Teyta Dios ankupäkuq karmi Jesucristuman markäkushqa salvacionta qaramashqantsik. Manam kikintsikpitatsu ni allita rurashqantsikpitatsu salvacionta tarirquntsik, sinöqa Teyta Diospitam. Tsëmi pipis alabakunqatsu: <<Allikunata rurashqäpitam Teyta Dios salvamashqa>> nir.



Romanos 10:9,10 Señornintsik Jesucristo mandashuqniki kashqanta nirqa y wanushqanpita Teyta Dios kawaritsishqanta llapan shonqikikunawan creyirqa salvashqam kayanki. Llapan shonqikiwan creyiyaptikiqa Teyta Dios perdonayäshunkim. <<Señor Jesucristuqa mandamaqnimi këkan>> niyaptikiqa Teyta Dios salvayäshunkim.

Juan 3:16,17 Nunakunata alläpa kuyarmi japallan Tsurinta Teyta Dios kachamurqan. Tsëmi pipis pëman markäkuq kaqqa condenashqatsu kanqa, sinöqa wiñë kawëtam taringa. Manam nunakunata infiernuman jitananpaqtsu Teyta Dios Tsurinta kachamurqan, sinöqa pëman markäkuyaptin salvananpaqmi.



1 Juan 5:11-13 Wiñë kawëta qomashqantsiktam Teyta Dios käyitsimarquntsik. Tsë kawëtaqa tarintsik Tsurin Jesucristuta chaskikurmi. Teyta Diospa Tsurinta chaskikuq kaqqa wiñë kawëtam tarin. Mana chaskikuq kaqqa tsë kawëta manam tarinqatsu. Teyta Diospa Tsurinman markäkuyaptikim kë cartata apatsimü wiñë kawëta tariyashqëkita musyayänëkipaq.



Mateo 8-9; Marcos 1-2, 4; Lucas 4, 8; Juan 2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: E. Frischbutter; Sarah S.

Quechua, Huaylas Ancash Bible (qwh) © 2018, Wycliffe  
Bible Translators, Inc. All rights reserved.

<https://www.bible.com/bible/734/GEN.1.QWHB>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

